

仙釋

函關鷲嶺之說好異者樂道而守正者力絕要之賢哲
固盛世之鳳麟而仙釋亦塵寰之雲鶴如崔真人金碧
峯若而人者古既傳其名不妨仍而志之

唐無名老人

本縣人俗姓陶其母賈氏夢青衣童捧金盤
獻一果如瓜半紅半黃言上仙賜汝無名果

也因孕十三月而生性沉靜寡欲舉動與群兒異嘗
隨丹陽馬祖師過關服勤三年別馬凡七年忽覺一
日讀太上西昇經豁然有省謂同行曰我今還鄉去
也年前有韶州王氏請住菴我已許往已而王氏果
至即索湯沐畢振衣留辭安然而逝年八十有六平
生所著詩皆仙家事其語頭頭見道非烟火人所及

襄陵縣志

卷之二十一

仙釋

曇

璩

王姓父成母皇甫氏因魚子禱於佛寺有孕闕
元癸丑志樂出家禮鳳翔天寶妙覺禪師寶應

元年至襄陵崇山二禿引徑入山嶺起浮屠修道戒
行清潔龍神聽講後證正果土人為立寺廟遇旱禱
雨立應廣德二年晉絳太守張光俊楊子
宏表聞代宗賜寺額曰普救號慈濟太師

元酈希誠

本縣萬聖觀道士生而骨法高古丰神迥異見
者莫不肅畏年十五決意入道其教以苦節危

行為要不安取於人於是見知憲宗內出冠服以賜
仍給紫衣三十襲與從者世祖命其徒孫德福統轄
諸路直人道錫銅章後改錫銀印至元年
上昇御堊仙瑩今有碑劉賡撰記

景素陽

京安朝陽觀道士師事梁古賓元末兵亂鄉人
匿山中惟素陽與師不去兵至求財不得欲殺

古賓素陽曰師老矣願以身代真師以刀
砍素陽刀忽斷為三兵皆驚異歸拜而去

明金碧峯

本縣聖壽寺僧遊五臺後成正覺洪武太
詔至闕廷言論稱旨御製詩以賜之後還仍賜

織金袈裟一襲佛經
一函年逾七十而化

崔真人

名孟傳北水關人幼喪親並無婚娶黃冠野服
隻身雲遊有五嶽為廬十洲為胸之意從族兄

授醫學掃雲留月直得壺公妙術萬應朝太后病篤
直入應名醫詔自簾孔引線候脉收劑立愈上賜官

賜金皆不受遂賜以直人號
後於武當羽化自號朴菴